



UNIVERSITÄTS-
BIBLIOTHEK
PADERBORN

Universitätsbibliothek Paderborn

Linda Mariana, Sive De B. Virgine Lindensi

Clagius, Thomas

Coloniae Vbiorvm, 1659

XVI. Caecitas, & alia oculorum vitia, Deiparae Lindensis ope depulsa.

urn:nbn:de:hbz:466:1-11544

ritum, quodammodo æternum gloriæ pondus, in hoc quoque seculo operatum sit; quando, ut Spondanus quoque ait, & ipsi Rudolpho, & ipsius posteris, tantum, ad hunc usque diem, acquisivit Imperium. Quamvis autem non omnes, qui ad DEI & Deiparæ laudem, sese Lindam recipiunt, aut Imperia aut Regna in terris recipiant; recipiunt tamen plerique, præter futuras gloriæ, præsentésque gratiæ divinæ opes, eas curationum sanitatumque gratias, quas, si optio datur, vix, aut ne vix quidem regnis atque imperiis permutarent. De quibus quidem curationum gratiis, cum jam deinceps agendum nobis sit, ita pleraque, quæ decem vel octo circiter annorum spatio eveniunt, hoc est, quæ ab Anno MD CXVIII. quo sacellum restaurari cepit, ad Annum MD CXXVI. quo ob belli Suecici turbinem, nemo quæ aliis deinceps annis gesta sunt, consignavit, ad exitum hujus libri percontabimus, ut non tam succedentium sibi annorum temporisque seriem, quam ipsorum beneficiorum, certa in genera classesque tributorum (quod ipsum sequente quoque libro facturi sumus) rationem habeamus, ordinemque sequamur.

CAPUT XVI.

Cæcitas, & alia oculorum vitia, Deiparæ Lindensis ope, depulsa.

Omnia quidem calamitatum, & cum animi tum corporis morborum, reperiuntur apud Lindam Marianam remedia atque alexipharmaca; in primis tamè videntur oculis parata eximie, & præsentia adesse

medicamina. Nam, & primùm sub ipsam Mariam Lindæ originem, uti aliàs vidimus (a) Miraculum cæci restitutum fuit; & à restituta postmodum Lindæ restauratoque sacello, inter morbos corporis, cæcitate potissimùm fuisse depulsam, exempla, quæ Ciaritio jam percontabimur, docebunt.

I.

Figulus Allensteinensis à cæcitate curatus.

Allensteinii, inquit Ciaritius, quod oppidum spectat à venerabile Capitulum Ecclesiæ Varmiensis, Figulus quidpiam contracto oculorum dolore, excacatus fuit: & in hac cæcitate calamitate septennium exegit. De clementiam post multa exposcens, & B. M. Virginis interventionem implorans beatam Virginem Lindensem, se quotannis, quàm diu viveret, visitaturum constituit; Vix preces exorsus fuerat, vixq; votum verbis peregerat; cum subito oculis lumen refusum est. Atque ille, quod pollicitus fuerat, singulis annis, quoad vixit, religiosè executus est.

II.

Oculi incidentibus ossium segminibus usque ad cæcitatem læsi, ex voto Lindam concepto, restituti.

Anno MDCCXXII. inquit idem, sancti Martini (sive) Matthæi Toxius rusticus in Arensdorff (est vicus hinc Vormditensi municipio, leucâ unâ à civitate Albstum versùs disjunctus) adstante uxore carnem castrabat: ossicula quadam in oculos insiluerunt; quæ usque ad Bacchanalia nihil vidit. Tandem vover, & revalescit; secundâ Julii votum solvit.

(a) lib. I, cap. 16.

III.

Vir inter Allensteinenses primarius, visum ope B. V. Lindensis sibi restitutum, oblatâ imagine, beneficii indice, contestatur.

Notus mihi et jamnum adolescenti is vir erat; quippe qui è peregrinatione, quam ad plerasque Europæ provincias susceperat, domum reversus faciliè omnium in se oculos convertit; notior tamen Cutioni suo Michaëli Ciaritio, qui hæc, quæ jam recensabo, de illo prodidit.

Ioannes Henrici, è numero Scabinorum Allensteinensium vir spectabilis; bene longo tempore ex oculis laborans, illorum usu penitus privatus fuit. Invocatâ itaque Virgine MARIA, votivum se iter ad ejusdem Ædem suscepturum, solenni pollicitatione firmavit. Quod ubi factum, statim dolor resedit, & oculi, ad intuendam lucem, reparati sunt. Nihil idcirco cunctando, ad Oratorium gloriose Virginis se contulit; & votum, quàm potuit, pientissimè solvit. Grati animi pignus imaginem non inelegantem, in parietibus sacelli fixit. Ex ipsius, qua appicta est, effigie, quo habitu Virginis Filio, ipsique Virgini Matri, pro avertenda, jam propemodum incurta cæcitate, supplicet, res manifestius spectari potest. Fiebat Anno MDCXXII. die XV. Augusti.

IV.

Adolescentula, voto Lindam facto, à gravi oculorum dolore curata.

Brigitta adolescentula, inquit idem Author, ex pago Lauternhagen (municipii Heilsbergensis pagus is est) tanto ardore oculos inflammatos habebat, ut in ad intuendam lucem æverrinè uti posset; &, si quid cerneret, non nisi caliginosè admodum perciperet. Itaque ad B. MARIA M

V S

Linden-

Lindensem profecturam se, & munus delaturam voti
Statim ab oculis, omnis illa infestantis ardoris vehementi
disparuit, caligo fugata est, & oculi ad capiendam lucem
vegetiores redditi. Votum pie solvit Anno MD CXXIII.

V.

Juvenis, periculosâ oculos caligine suffusus, votum
Lindam factò perfanatur.

Quo loco, ac fere tempore Lindensem historiam
Ciaritius scribebat, id, quod ipse refert, accidit; ut
fortasse oculatus, possit videri testis. Bisteni enim res
accidit pridie Cal. Majas Anni MD CXXIII. & ille,
Bisteniitidem iplis Martii Calendis Anni MD CXXVI
Regi Sigismundo historiam ab se scriptam dicavit.
Rem porro, de qua agimus, ita perstrinxit. *Juvenis qui-*
dam Brunsbergensis, sutoris maniceps, dum Bischoffsteini
Sutrinae dat operam, insperatò illi oculi caligine, obfuscan-
tur; ita ut duarum septimanarum intervallo viderit omni-
no nihil, & perpetuam timuerit cecitatem. Quamprimum
verò ad Marianam Lindam votum prastitit, mox integri-
rimè visum recepit; beneque oculis sanus votum reddidit
XXX. April. MD CXXIII.

C A P U T XVII.

Idem beneficium, etiam à Catholica Ecclesia alienis, per B. V. Lindensem, prastitum.

A T que hæc, alia que id genus beneficia, Catholica
à Deipara fuisse concessa, haud sanè mirum videri
possit; quid enim filiis Mater benignissima nega-
queat? Illud fortasse mirum videatur, quòd eadem
alienis quoque exhibeat. Quidni enim ab illa alienis